

Lung a l'autre a grant efforce
 Continuent boyre a leur force
 Ceulx cy font excessif dommage
 A lame aussi vng grant oultrage
 Au corps mopen lebriete
 Ce remplist de febricite
 De tremeurs ou grans tremblemens
 Maladies affoiblemens
 De ses membres et pauures nerz
 Contamine et rend inhers
 Tous les sens et bons esperitz
 Et science quil a appris
D toutes viles diffommetes
 Vous aultres qui deffos mettes
 En lieu dhonneur toute laidure
 Immoderee et qui lait dure
 Du quel se begnin curieuy
 Le chaste et parcimonieuy
 A honte avec vous et vergongne
 Plus ordeuy que nest la cigongne
 En tous lieux ou vous demourez
 Vng seul petit vous ne honnourz
 La vertueuse honnestete
 Vostre fait nest que vilite
Mhelas la moderacion
 Est en vile distraction
 De la table et son beau maintien
 Son douly et loyal entretien
 Toutefois a vng aultre vice
 De la table et si maint propice
 Au monde sur terre regnans
 Et pource quil est comprenans
Maintes males condicions
 Au siege comme dy cy homs
 Hault esseue et insapient
 Et car il nest de rien scient
 En ce grant siege la se tient
 Toutefois ne luy appartient
 Et assez nous voions que mieulx
 Deult estre le ieune au haultz lieux
 Sur le viel sans discretion
 Auoir mectre ne porcion

De reli. xve
 ne. san. c. l.
 xxxv. di. ca.
 luxuriosa.
 Eccle. xxxi
 Osee. liij.

Luce. xxi.
 puer. xii.

puer. xxv.

Leu. xxxv.
 Insti diur.
 natu. in gl.
 fi. et eo. li. 8
 bo pol.

Et donnons a maint homme turpe
 Et aussi que celuy lusurpe
 La viande delicieuse
 Plus soifue douce amoureuse
 Et ceste nommee personne
 A toutes ses vertus ne sonne
 Soit a honte ou bien reuerence
 Ains plus tost a irreuerence
 Et assis a la grande table
 Fust il bourgeois ou conestable
 Il est villain Or de ses mains
 Honnist honnestes choses mains
 En sa bouche grant pain asoupe
 En faisant vin brouet et soupe
 Et en sa gorge lenglentist
 Vilainement apres vomist
 Quil est plain de vin et fort pure
 Et de sa cure se deliure
 Combien quil soit tout vil entier
 Ce neautmoins tout le premier
 De son vil honny doy touchera
 La viande et atouchera
 A la table et avant tout aultre
 Et de son nez plus vil quin plaustre
 Stillant la viande honnira
 Celle prendre il pra
 Et en la forme des porceaulx
 Prent sur table mains vaiseaulx
 Plains de gracieuse liqueur
 Douly delicat et vin meilleur
 Qui soit a la table present
 Toutefois par vng vil present
 Tout ainsi quen son corps commist
 Le vin et apres le vomist
Comme gens remplis de fureur
 Par forme de ioye en leur cueur
 Chantent a grant voix et blattissent
 Sicque leurs grans criz retondissent
 En lait par grans sons resonneuy
 En portent le tirfigere euly
 En faisant maint ort sacrifice
 Au dieu bachus et son office

De offi. cu.
 ca. j.

Irreueren-
 tia mense.